

Na osnovu člana 13. Uredbe o prednosti u školovanju branilaca i članova njihovih porodica („Službene novine Zeničko-dobojskog kantona“ broj: 4/14, 1/18, 15/21 i 14/24) (u daljem tekstu Uredba) i tačke 7. Instrukcije za provođenje konkursne procedure za dodjelu novčane pomoći za nabavku obaveznih udžbenika za potrebe redovnog obrazovanja u osnovnim i srednjim školama – djeci branilaca u školskoj 2024./2025.godini broj: 13/03-2-3-37-13764-2/24. od 02.08.2024.godine, Gradska služba za boračko-invalidsku zaštitu, dana 06.08.2024. godine objavljuje

KONKURS

za dodjelu novčane pomoći za nabavku obaveznih udžbenika – djeci branilaca za školsku 2024./2025. godinu

I. Predmet konkursa

Obavještavaju se pripadnici branilačke populacije (djeca branilaca) koji imaju prebivalište ili boravište na području grada Zenica u trajanju od najmanje 24 mjeseca neprekidno do dana podnošenja zahtjeva, odnosno 6 mjeseci ukoliko imaju status povratnika i koji prava iz oblasti branilačko-invalidske zaštite ostvaruju u gradu Zenica, kao i povratnici u Republiku Srpsku koji ostvaruju osnovna prava iz branilačko-invalidske zaštite i koji su na evidenciji nadležnog organa za vojne evidencije u gradu Zenica, **o mogućnosti podnošenja zahtjeva za dodjelu novčane pomoći za nabavku obaveznih udžbenika učenicima osnovnih i srednjih škola – djeci branilaca za školsku 2024./2025. godinu.**

Visina novčane pomoći određena je u sljedećim iznosima:

- 1) za kupovinu obaveznih udžbenika u osnovnim školama.....200,00 KM
- 2) za kupovinu obaveznih udžbenika u srednjim školama.....300,00 KM

II. Pravo učešća na konkursu imaju:

- djeca dobitnika ratnog priznanja ili odlikovanja;
- djeca umrlih ratnih vojnih invalida;
- djeca umrlih demobiliziranih branilaca – učesnika rata (umrli DB koji je u Oružanim snagama proveo najmanje jednu godinu neprekidno u periodu od 20.06.1992. godine do 23.12.1995 godine);
- djeca ratnih vojnih invalida – učesnika rata;
- djeca demobiliziranih branilaca koji su u redovima Oružanih snaga proveli najmanje 24 mjeseca u periodu od 06.04.1992.godine do 23.12.1995.godine ili 12 mjeseci, ako su u Oružane snage stupili kao maloljetna lica, ili šest mjeseci po punoljetstvu.

III. Neće biti uzete u razmatranje prijave kandidata:

- 1) koji obnavljaju istu godinu školovanja;
- 2) čiji su članovi porodičnog domaćinstva vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo;
- 3) čija primanja po članu porodičnog domaćinstva prelaze iznos od 600,00 KM;

IV. Kriteriji za izbor kandidata:

Izbor kandidata za dodjelu novčane pomoći u svrhu nabavke obaveznih udžbenika za potrebe redovnog obrazovanja u osnovnim i srednjim školama vrši se na osnovu liste prvenstva, sačinjene bodovanjem po sljedećim kriterijima:

- ostvaren uspjeh u prethodnoj školskoj godini;
- socijalno-ekonomska situacija:

Prednost bez bodovanja kod dodjele novčane pomoći imaju djeca poginulih, umrlih, nestalih dobitnika ratnog priznanja ili odlikovanja; djeca umrlih ratnih vojnih invalida i djeca umrlih demobiliziranih branilaca, koji ispunjavaju uvjete iz tačke III ovog Konkursa.

Kriteriji za bodovanje utvrđeni su odredbama članova 17., 18. i 19. Uredbe o prednosti u školovanju branilaca i članova njihovih porodica i istaknuti su na oglasnoj ploči grada/općine i Ministarstva za boračka pitanja, kao i web stranici Zeničko-dobojskog kantona www.zdk.ba.

V. Zainteresovani kandidat uz prijavu prilažu sljedeće dokaze:

- ovjerena kopija dačke knjižice, odnosno svjedočanstva iz predhodne školske godine;
- ovjerena kućna lista;
- uvjerenje o prihodima članova domaćinstva;
- ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/ Godišnju prijavu dohotka) za predhodnu kalendarsku godinu;
- ovjerenu izjavu o ukupnim prihodima domaćinstva;
- uvjerenje o kretanju (kao dokaz o prebivalištu);
- potvrda o statusu pripadnika branilačke populacije koji se dokazuje, rješenjem nadležnog organa o priznavanju svojstva ratnog vojnog invalida, umrlog ratnog vojnog invalida; rješenje o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učešća u Oružanim snagama, izdatog u skladu sa Zakonom o upravnom postupku („Službene novine FBiH“ broj 2/98, 48/99 i 61/22).

VI. Konkurs ostaje otvoren 20 dana od dana objavljivanja.

Za djecu pripadnika branilačke populacije zahtjev za dodjelu novčane pomoći za nabavku udžbenika sa drugom potrebnom dokumentacijom podnosi roditelj/ staratelj u vremenu od 06.08. do 26.08.2024. godine (zadnji dan zaprimanja zahtjeva) u Službi za branilačko-invalidsku zaštitu grada Zenica.

Nepotpune, neblagovremene i neuredne prijave neće biti uzete u razmatranje.

Broj:14-37-14845/24

Datum:06.08.2024.godine

POMOĆNIK GRADONAČELNIKA
PO OVLAŠTENJU
Sumea Mujkanović



Na osnovu člana 15. tačka e) Uredbe o prednosti u školovanju branilaca i članova njihovih porodica ("Službene novine Zeničko-dobojskog kantona", broj 4/14, 1/18, 15/21 i 14/24) i člana 180. Zakona o upravnom postupku ("Službene novine FBiH", broj 2/98, 48/99 i 61/22) u svrhu ostvarivanja prava na novčanu pomoć za nabavku obaveznih udžbenika za potrebe redovnog obrazovanja u osnovnim i srednjim školama na području Kantona u školskoj 2024./2025. godini, dajem slijedeću

IZJAVU

Izjavljujem, pod punom moralnom, materijalnom i krivičnom odgovornošću da ja i članovi mog zajedničkog domaćinstava **NEMAMO drugih prihoda**, odnosno da dokazi priloženi uz zahtjev podrazumijevaju jedina primanja ostvarena u domaćinstvu (kućna lista) u prethodnom mjesecu.

(navesti članove)

Napomena: Davalac izjave je upozoren na posljedicu davanja lažne izjave.

IZJAVU UZEO/UZELA

potpis ovlaštenog službenika i pečat nadležnog organa

IZJAVU DAO/DALA- roditelj/staratelj
(ličnu indentifikaciju izvršiti na osnovu uvida u ličnu kartu)

potpis

Datum _____ .2024.godine

Napomena: ovaj obrazac izjave obavezan je popuniti svaki podnosilac zahtjeva (roditelj/staratelj) i prilaže se uz zahtjev kao dio potrebne dokumentacije. Isti mora biti uredno ovjeren i potpisan.